

CYNGOR SIR CEREDIGION

Adroddiad i:	Cabinet
Dyddiad y cyfarfod:	14 Chwefror 2023
Teitl:	Gwasanaethau Arbenigol Porth Cynnal (Plant ac Oedolion) Adroddiad Rheoli Perfformiad Y Gwasanaeth Adolygu Annibynnol Chwarter 1 2022/23
Pwrpas yr adroddiad:	Monitro cynnydd plant sy'n derbyn gofal trwy waith craffu Swyddogion Adolygu Annibynnol o'u cynlluniau a'u lleoliadau yn ystod chwarter cyntaf 2022/2023.
Er:	Gwybodaeth
Portffolio'r Cabinet ac Aelod Cabinet:	Y Cynghorydd Alun Williams, Dirprwy Arweinydd y Cyngor ac Aelod Cabinet ar gyfer Gydol Oes a Llesiant

Yn yr adroddiad hwn cyflwynir gwybodaeth am y gwaith monitro a sicrhau ansawdd ar gyfer y plant sy'n derbyn gofal a adolygwyd yn ystod chwarter cyntaf 2022/23.

Mae'r wybodaeth hon yn cynorthwyo'r Aelodau i gyflawni eu swyddogaethau fel Rhieni Corfforaethol.

Sail y wybodaeth yw'r ffurflenni monitro y mae'r Swyddogion Adolygu Annibynnol yn eu cwblhau yn dilyn pob adolygiad statudol o blant sy'n derbyn gofal yn ogystal â'r wybodaeth arall y mae'r Gwasanaethau Plant yn ei chasglu am berfformiad.

Mae'r adroddiad yn cynnwys y safonau a'r targedau cenedlaethol a lleol a ddefnyddir i fesur canlyniadau ar gyfer plant sy'n derbyn gofal adeg eu hadolygiadau statudol, gan gynnwys Dangosyddion Perfformiad Llywodraeth Cymru a Thargedau Perfformiad Lleol.

Ar sail y wybodaeth sydd ar gael a'r hyn a fynegwyd yn ystod cyfarfod adolygu plant sy'n derbyn gofal, mae'r Swyddog Adolygu Annibynnol yn llunio barn broffesiynol ynghylch effeithiolrwydd Cynllun Gofal y plentyn/person ifanc o ran bodloni ei anghenion, a gall argymhell newidiadau i'r Cynllun Gofal.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc sy'n cael ei adolygu er mwyn nodi pobl eraill berthnasol i gael cyngor cyfreithiol/cymryd camau ar ei ran. Barnwyd bod angen gweithredu ar gyfer 2 blentyn/person ifanc yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc, ac os oes, gallai gyfeirio'r achos i CAFCASS. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.

CRYNODEB O'R PWYNTIAU ALLWEDDOL:

- Ar ddiwedd y chwarter hwn, fel ar 30 Mehefin 2022, roedd 105 o blant yn derbyn gofal gan yr Awdurdod Lleol. Mae hyn yn gynydd o 5 yn nifer y plant sy'n derbyn gofal. Ar ddiwedd Chwarter 4 roedd 100 o blant yn derbyn gofal.
- Cafodd 83 o blant eu hadolygu yn ystod y chwarter hwn o'i gymharu â 61 yn y chwarter blaenorol. Cafodd 90.4% eu hadolygu o fewn y terfyn amser statudol o'i gymharu â 90.2% yn y chwarter blaenorol. Gan ystyried mai dim ond 2 Swyddog Adolygu Annibynnol sydd yn y tîm ar hyn o bryd oherwydd bod y swyddi eraill yn wag, roedd nifer y plant/pobl ifanc yn uchel yn y chwarter hwn.
- Roedd 2 blentyn wedi gadael gofal yn y chwarter hwn o'i gymharu â 3 yn Chwarter 4. Roedd Gorchymyn Gofal 1 plentyn/person ifanc wedi cael ei ddirymu, ac aeth 1 ymlaen i drefniadau llety â chymorth/byw'n annibynnol.
- Y ddarpariaeth leoli ar gyfer y plant a adolygwyd yn ystod y chwarter hwn oedd 21 mewn gofal maeth yr Awdurdod Lleol, 17 wedi'u lleoli gyda rhieni, 3 wedi'u lleoli gyda theulu, 16 gydag Asiantaeth Faethu Annibynnol, 6 mewn gofal preswyl, 13 gyda gofalwyr sy'n berthnasau, 2 mewn lleoliad mabwysiadu, a 3 mewn llety â chymorth. Cafodd 1 ei roi mewn lleoliad preswyl mamau a babanod, ac roedd 1 mewn lleoliad ysbyty.
- O'r plant a adolygwyd yn ystod y chwarter hwn, cafodd 86.7% o'r plant ymweliad statudol. Roedd hyn yn cymharu â 90.2% yn Chwarter 4
- Roedd gan 53 o'r plant a adolygwyd Orchymyn Gofal Llawn, roedd gan 15 Orchymyn Gofal Dros Dro, roedd gan 5 Orchymyn Lleoli, ac roedd 10 o dan statws cyfreithiol Adran 76.
- Cofnodwyd bod 50% o'r cynlluniau gofal a chymorth wedi'u sefydlu ar ddyddiad y lleoliad cyntaf ac roedd cynlluniau cyfredol ar gael ar gyfer yr adolygiad.
- Faint o amser mewn Gofal ar gyfer plant sy'n derbyn gofal yng Ngheredigion a adolygwyd yn Chwarter 1 – 12 o dan 6 mis, 12 rhwng 6-12 mis, 20 rhwng 1-2 oed, 39 dros 2 oed.
- Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion plant sy'n derbyn gofal yng Ngheredigion oedd 95.2% yn y chwarter hwn.
- Canran y plant (â digon o grebwyll) oedd wedi cymryd rhan neu a gafodd eu hymgyngori ynghylch eu hadolygiad oedd 100%.
- Canran y plant a gafodd wybod am eu hawl i gael Gwasanaeth Eirioli oedd 100%.
- Nifer a chanran y rhieni y bu i'r Gweithiwr Cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu oedd 100%.
- Cynhaliwyd 13 o Adolygiadau o Gynlluniau Llwybr yn y chwarter hwn, a chafodd 10 ohonynt eu cynnal o fewn y terfynau amser.
- Canran y bobl ifanc ar Gynllun Llwybr gydag Ymgynghorydd Personol/Gweithiwr Cymdeithasol dynodedig oedd 100% yn ystod y chwarter hwn.
- Canran y bobl ifanc yr ymgynghorwyd â hwy ar gyfer y Cyfarfod Adolygu Cynllun Llwybr yn ystod y chwarter hwn oedd 100%.

A gwblhawyd Aseiad Effaith Integredig? Naddo

Os naddo, esboniwch pam

Crynodeb:

Caiff yr adroddiad hwn ei ddarparu'n barhaus ac mae'n dangos y gwaith parhaus a wneir gyda phlant sy'n derbyn gofal yng Ngheredigion.

**Llesiant
Cenedlaethau'r
Dyfodol:**

Hirdymor: Cael cydbwysedd rhwng anghenion tymor byr a chynllunio hirdymor ar gyfer y dyfodol

Integreiddio: Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt

Cydweithio: Cydweithio â phartneriaid eraill i gyrraedd y nod
Cynnwys: Cynnwys y rhai hynny sydd â diddordeb a cheisio eu safbwyntiau; ymgysylltu ac ymgynghori â rhanddeiliaid

Atal: Defnyddio adnoddau i atal problemau rhag codi neu waethygu

Argymhelliad:

Yr Aelodau i nodi cynnwys yr adroddiad.

**Rhesymau dros y
penderfyniad:**

Er mwyn sicrhau bod Awdurdod Lleol Ceredigion, ei swyddogion a'i bartneriaid diogelu yn cyflawni eu dyletswyddau statudol yn effeithiol.

Trosolwg a Chraffu:

Pwyllgor Trosolwg a Chraffu Cymunedau Iachach

Fframwaith Polisi:

Strategaeth Gorfforaethol

**Blaenoriaethau
Corfforaethol:**

Galluogi cydnerthedd unigolion a theuluoedd

**Goblygiadau Cyllid a
Chaffael:**

O fewn y gyllideb graidd

**Goblygiadau
Cyfreithiol:**

Dim

**Goblygiadau o ran
Staff:**

Dim

**Goblygiadau o ran
Eiddo / Asedau:**

Dim

Risg(iau):

Mae'r adroddiad yn nodi'r risgiau o ran niwed i blant a sut y cânt eu diogelu.

Pwerau Statudol:

Deddf Plant 1989, Deddf Plant 2004 a Deddf Gwasanaethau Cymdeithasol a Llesiant (Cymru) 2014

Papurau Cefndir:

Dim ond dogfennau mewnol y Gwasanaethau Arbenigol

Atodiadau: Atodiad A- Adroddiad Rheoli Perfformiad y Gwasanaeth Adolygu Annibynnol ar gyfer Chwarter 1 2022/23

Swyddog Arweiniol Corfforaethol: Sian Howys, Swyddog Arweiniol Corfforaethol: Porth Cynnal

Swyddog Adrodd: Sian Howys, Swyddog Arweiniol Corfforaethol: Porth Cynnal / Elizabeth Upcott, Rheolwr Corfforaethol: Diogelu

Dyddiad: 21 Medi 2022

Cyngor Sir CEREDIGION County Council

Gwasanaeth Diogelu

Adroddiad Rheoli Perfformiad y Gwasanaeth Adolygu Annibynnol

Chwarter 1: 1 Ebrill 2022 – 30 Mehefin 2022



...yn gofalu i wneud gwahaniaeth
...taking care to make a difference

CYNNWYS		
TUDALEN:		
ADRAN UN:	CYFLWYNIAD	3
ADRAN DAU:	CYNLLUNIO GOFAL	4
ADRAN TRI:	YMGYNGHORI A CHYFRANOGI	21
ADRAN PEDWAR:	PROTOCOL DATRYS PROBLEMAU	24
ADRAN PUMP:	GWERTHUSO	24
ADRAN CHWECH:	CYNLLUNIAU LLWYBR	25
ADRAN SAITH:	GOFAL SEIBIANT BYR	27
ADRAN WYTH:	SEIBIANNAU BYR	27
ADRAN NAW:	GOFALWYR MAETH	27

ADRAN UN: CYFLWYNIAD

Mae'r adroddiad hwn yn darparu'r wybodaeth a gasglwyd gan y Gwasanaeth Sicrhau Ansawdd ac Adolygu Annibynnol er mwyn monitro perfformiad a sicrhau ansawdd y gwasanaethau i blant sy'n derbyn gofal, plant sy'n gadael gofal, plant sydd mewn lleoliadau preswyl, a phlant sy'n derbyn gofal seibiant a seibiannau byr. Mae'r wybodaeth yn seiliedig ar y ffurflenni monitro sy'n cael eu cwblhau gan y Swyddogion Adolygu Annibynnol yn dilyn pob cyfarfod adolygu yn ystod y chwarter hwn, ynghyd â gwybodaeth arall am berfformiad a gedwir gan y Gwasanaeth Plant a Theuluoedd.

MEINCNODI

Mae'r adroddiad hwn yn cynnwys y mesurau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu.

Ar sail y wybodaeth sydd ar gael a'r hyn a fynegir yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd cynllun gofal y plentyn/person ifanc o ran bodloni ei anghenion, a bydd yn tynnu sylw rheolwyr at unrhyw ymarferion gwael.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc i adnabod pobl eraill berthnasol i gael cyngor cyfreithiol/cymryd camau ar ei ran. Barnwyd bod angen gweithredu ar gyfer 2 blentyn/person ifanc yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc ac, os oes, gallai gyfeirio'r achos i CAFCASS Cymru. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.


Os oes gennych unrhyw sylwadau neu gwestiynau, cysylltwch ag:

Elizabeth Upcott
Gwasanaeth Diogelu
Penmorfa
Aberaeron
SA46 0PA

ADRAN DAU CYNLLUNIO GOFAL

1. Y Prif Ffigyrau ar gyfer Chwarter 1:

Mae'r tabl a'r siart isod yn rhoi cyfanswm y data plant sy'n derbyn gofal ar ddiwedd pob chwarter gan ddechrau gyda'r chwarter diweddaraf.	
30 Mehefin 2022	105
31 Mawrth 2022	100
31 Rhagfyr 2021	97
30 Medi 2021	91
30 Mehefin 2021	89
31 Mawrth 2021	85
31 Rhagfyr 2020	79
30 Medi 2020	75
30 Mehefin 2020	78
31 Mawrth 2020	74
31 Rhagfyr 2019	72
30 Medi 2019	63
30 Mehefin 2019	64
31 Mawrth 2019	63
1 Ionawr 2019	60




2. Nifer a chanran yr adolygiadau o blant sy'n derbyn gofal a gynhaliwyd o fewn y terfynau amser statudol.

Targed a bennwyd 100% – Yr hyn a gyflawnwyd 90.4%


Adolygwyd 83 o blant yn ystod y chwarter hwn.

- Cynhaliwyd 75 (90.4%) o gyfarfodydd adolygu plant sy'n derbyn gofal o fewn y terfynau amser statudol.
- Cynhaliwyd 8 (9.6%) cyfarfod adolygu plant sy'n derbyn gofal y tu allan i'r gofynion statudol; cofnodwyd y rhesymau fel a ganlyn:-
 - Gohiriwyd yr adolygiad ar gyfer 1 plentyn a theulu gyda 3 o blant oherwydd argaeledd y gweithwyr proffesiynol.
 - Yn achos 4 plentyn (1 teulu gyda 2 o blant a 2 blentyn arall) gohiriwyd yr adolygiad ar gais y Gofalwyr.

	Ebr-Meh 2022	Ion-Maw 2022	Hyd-Rhag 2021	Gorff-Medi 2021	Ebr-Meh 2021
Nifer y plant a adolygwyd yn ystod y chwarter	83	61	72	48	67
Nifer yr adolygiadau a gynhaliwyd o fewn y terfynau amser	75	55	69	47	66
Nifer yr adolygiadau a gynhaliwyd y tu allan i'r terfynau amser	8	6	3	1	1




3. Oed a rhyw plant a adolygwyd yn ystod y chwarter hwn:




4. Natur lleoliadau'r plant a adolygwyd yn ystod y chwarter hwn:

Math o Leoliad	Yn y Sir	Tu allan i'r Sir	Cyfanswm
Gofalwyr Maeth yr Awdurdod Lleol	21	-	21
Lleoli â Rhieni	13	4	17
Gofalwyr sy'n Berthnasau	11	2	13
Lleoli â Theulu	3	-	3
Gofalwyr Asiantaeth Faethu Annibynnol	3	13	16
Preswyl	1	5	6
Mabwysiadu	-	2	2
Preswyl Mamau a Babanod	-	1	1
Gofalwyr Maeth Asiantaeth Faethu Annibynnol ar gyfer Rhieni a Babanod	-	-	-
Ysbyty	-	1	1
Llety â Chymorth	-	3	3
Byw'n Annibynnol	-	-	-
	52	31	83




5. Statws cyfreithiol y plant a adolygwyd yn ystod y chwarter hwn:

Statws cyfreithiol y plant a adolygwyd	
Gorchymyn Gofal Llawn	53
Gorchymyn Gofal Dros Dro	15
Gorchymyn Lleoli	5
Adran 76	10
Cyfanswm	83



6. Y rhesymau pam bod y plant a adolygwyd wedi gadael gofal

Cyfnod	Y nifer sydd wedi gadael gofal	Y rheswm dros adael gofal				
		Mabwysiadu	Dychwelyd adref at y teulu	'Pan dwi'n barod'	Diddymu'r Gorchymyn Gofal	Llety â Chymorth/ Byw'n Annibynnol
Ebr-Meh 2022	2	0	0	0	1	1
Ion-Maw 2022	3	0	0	1	2	0
Hyd-Rhag 2021	7	0	3	0	4	0
Gorff-Medi 2021	3	0	0	0	0	3
Cyfanswm	15	0	3	1	7	4



7. Nifer a chanran y plant sy'n derbyn gofal sydd â Gweithiwr Cymdeithasol dynodedig.


Targed a bennwyd 100% – Yr hyn a gyflawnwyd 100.0%

- Cofnododd 83 (100.0%) adolygiad o blant sy'n derbyn gofal fod Gweithiwr Cymdeithasol cymwysedig yn gweithio gyda'r plentyn dan sylw.

8. Nifer a chanran yr ymweliadau statudol â phlant sy'n derbyn gofal a adolygwyd o fewn y terfynau amser gofynnol.

Targed a bennwyd 100% – Yr hyn a gyflawnwyd 86.7%

- Derbyniodd 72 (86.7%) o blant sy'n derbyn gofal ymweliadau gan Weithiwr Cymdeithasol yn unol â'r gofynion statudol.
- Ni dderbyniodd 11 (13.3%) o blant sy'n derbyn gofal ymweliadau gan Weithiwr Cymdeithasol yn unol â'r gofynion statudol.




Sylwadau: Mae'r capasiti staffio o fewn y timau yn cael effaith ar ymweliadau statudol yn cael eu cynnal a / neu eu diweddarau ar y gronfa ddata.

9. Nifer a chanran y Cynlluniau Gofal a Chymorth (Rhan 6) a oedd wedi'u sefydlu erbyn dyddiad y lleoliad cyntaf a'r cynlluniau cyfredol a oedd ar gael ar gyfer yr adolygiad.

Targed a bennwyd 100% – Yr hyn a gyflawnwyd 50.0%

- Roedd 6 lleoliad newydd ar gyfer plant sy'n derbyn gofal yn ystod y chwarter hwn; cofnodwyd mewn 3 (50.0%) cyfarfod adolygu fod gan y plentyn/person ifanc Gynllun Gofal a Chymorth (Rhan 6) wedi'i sefydlu erbyn dyddiad y lleoliad. Nid oedd y Cynllun Gofal a Chymorth (Rhan 6) wedi'i sefydlu erbyn dyddiad y lleoliad ar gyfer y 3 phlentyn/person ifanc arall, fodd bynnag, cofnodwyd ei fod wedi'i sefydlu adeg yr adolygiad ar gyfer 1 person ifanc.



- Nododd y Swyddog Adolygu Annibynnol fod angen diweddarau cofnodion y Cynllun Gofal a Chymorth (Rhan 6) ar gyfer 7 phlentyn. Nodwyd bod angen diweddarau'r Cynllun Gofal a Chymorth o hyd ar gyfer pob un o'r 7 o'r plant/pobl ifanc hyn.

10. Nifer a chanran y plant sy'n derbyn gofal sydd â Chynllun Parhad wedi'i sefydlu erbyn yr ail adolygiad os na chynlluniwyd ar gyfer dychwelyd adref.


Targed a bennwyd 100% – Yr hyn a gyflawnwyd 77.8%

- Cynhaliwyd 9 ail adolygiad yn ystod y chwarter hwn a chofnododd 7 (77.8%) adolygiad fod Cynllun Parhad wedi'i gytuno. Mae hyn yn cymharu ag 83.3% yn y chwarter blaenorol.
- Mewn 13 (15.7%) adolygiad yn ystod y cyfnod hwn cofnododd y Swyddog Adolygu Annibynnol bryderon ynghylch cynnydd y Lleoliad/Cynllun Gofal a Chymorth/Cynllun Parhad.


Roedd natur y pryderon fel a ganlyn:-

- Ar gyfer 1 person ifanc roedd y lleoliad ymhell o gartref ac roedd oedi cyn dod o hyd i leoliad yn nes at adref. Roedd hyn yn cael effaith ddrwg ar hwyliau'r person ifanc.
- Mewn adolygiad ar gyfer teulu gyda 2 o blant, nodwyd nad oedd cofnodion y Cynllun Gofal ar gyfer plant sy'n derbyn gofal cychwynnol ar y system, gyda nifer o weithwyr wedi'u penodi ers Rhagfyr 2021 – Cynllun Gofal wedi'i gwblhau a'i ddiweddarau wedi hynny.
- Roedd angen gwneud llawer o waith uniongyrchol gydag 1 person ifanc i'w helpu i ddeall ei orffennol a'i helpu i symud ymlaen i leoliad mabwysiadu gyda phryderon parhaus am arafwch paru'r person ifanc ar gyfer mabwysiadu.


- Roedd llithro yn y broses fabwysiadu ar gyfer 1 person ifanc ond neilltuwyd achos i Weithiwr Cymdeithasol newydd a fyddai'n helpu i symud y broses fabwysiadu yn ei blaen.
- Nodwyd mewn adolygiad ar gyfer 1 person ifanc fod llithro wedi digwydd gan fod y lleoliad yn lleoliad maeth tymor byr, a bod angen cael lleoliad maethu tymor hir, a bod hyn yn effeithio ar y dewis o Ysgol Uwchradd ar gyfer Medi 2022.
- Roedd bylchau yn y cofnodion o ymweliadau statudol yn 2018, 2019, 2020, 2021 a 2022 ar gyfer teulu gyda 2 o blant, gyda llithro yn y broses gynllunio – ac roedd angen clywed a chydabod dymuniadau pobl ifanc.
- Nodwyd mewn adolygiad ar gyfer teulu gyda 2 o blant fod pryderon ynglŷn â diogelwch lleoliadau a chymeradwyaeth y gofalwr sef yr Asiantaeth Faethu Annibynnol.
- Roedd lleoliad tymor byr dros dro ar gyfer 1 person ifanc gyda'r angen am gynllun parhad hirdymor yn gohirio ymyrraeth therapiwtig gan fod angen setlo o fewn lleoliad cyn dechrau unrhyw wasanaethau therapiwtig.
- Cododd un teulu gyda 2 o blant bryder am y sefyllfa bresennol ar ôl i berthynas rhieni chwalu a phartneriaid newydd y rhieni.



11. Faint o Amser Mewn Gofal:



12. Natur y Cynlluniau Parhad:




13. Nifer a chanran y plant sy'n derbyn gofal a gafodd ofal seibiant gan rywun heblaw eu prif ofalwyr.

- Nododd 6 (7.2%) adolygiad o blant sy'n derbyn gofal fod y plentyn/person ifanc yn cael gofal seibiant byr gan rywun heblaw eu prif ofalwyr.

14. Nifer a chanran y bobl ifanc gymwys oedd â Chynllun Llwybr yn unol â'r gofynion.

Targed a bennwyd: 100% Yr hyn a gyflawnwyd 50.0%

- Mewn 2 (50.0%) adolygiad cofnodwyd bod gan y person ifanc Gynllun Llwybr wedi'i sefydlu a bod Ymgynghorydd Personol wedi'i benodi ar eu cyfer.
- Mewn 2 (50%) adolygiad (ar gyfer yr un person) cofnodwyd nad oedd Cynllun Llwybr wedi'i sefydlu ar gyfer y person ifanc, fodd bynnag cafodd Ymgynghorydd Personol ei benodi ar gyfer y person ifanc.
- Mewn 5 adolygiad pellach nodwyd bod Ymgynghorydd Personol eisoes wedi'i benodi ar gyfer y person ifanc.



15. Nifer a chanran y plant sy'n derbyn gofal (fel y bo'n briodol o ran eu hoedran a'u crebwyll) sy'n deall y rhesymau pam eu bod yn cael eu gofalu amdanynt.

Targed a bennwyd 100% – Yr hyn a gyflawnwyd 93.4%

- Mae'r data ar gyfer y dangosydd perfformiad hwn yn gysylltiedig â 61 o blant/pobl ifanc oherwydd barnwyd nad oedd 22 o'r plant/pobl ifanc yn ddigon hen nac yn meddu ar ddigon o grebwyll i ddeall pam eu bod yn derbyn gofal.
- Roedd 57 (93.4%) yn y grŵp hwn yn dangos rhyw fath o ddealltwriaeth ynghylch pam eu bod yn derbyn gofal gan rywun heblaw am eu teuluoedd o'i gymharu â 100.0% yn y chwarter blaenorol.
- Nododd 4 (6.6%) o'r adolygiadau ar gyfer yr un 2 deulu o blant hyn fod angen gwneud mwy o waith gyda'r plentyn/person ifanc.

16. Nifer a chanran y plant sy'n derbyn gofal (fel y bo'n briodol o ran eu hoedran a'u crebwyll) a oedd yn deall eu Cynlluniau Gofal a Chymorth.

Mae'r data ar gyfer y dangosydd perfformiad hwn yn ymwneud â 55 plentyn/person ifanc oherwydd barnwyd nad oedd 28 o'r plant/pobl ifanc yn ddigon hen nac yn meddu ar ddigon o grebwyll, ac felly fe'u diystyriwyd o'r ffigurau.

- Roedd 54 (98.2%) yn y grŵp hwn yn dangos dealltwriaeth o'r hyn a oedd yn eu Cynlluniau Gofal a Chymorth (Rhan 6).
- Nododd 1 (1.8%) adolygiad fod angen rhannu hwn gyda'r plant/pobl ifanc.

17. Mesur Cenedlaethol 33: Nifer a chanran yr achosion o symud plant sy'n derbyn gofal.

- Mewn 12 (14.5%) adolygiad cofnodwyd bod y plentyn / person ifanc wedi symud lleoliad yn ystod y chwarter hwn o'i gymharu â (19.7%) yn y chwarter blaenorol.

Dyma oedd y rhesymau dros newid y lleoliadau:

- Symudodd 1 person ifanc o leoliad preswyl dros dro i leoliad preswyl pellach.
- Roedd 2 adolygiad wedi cofnodi bod y person ifanc wedi symud o leoliad tymor byr i leoliad preswyl.
- Roedd 2 adolygiad arall wedi cofnodi bod y bobl ifanc wedi symud o leoliad tymor byr i leoliad tymor byr arall.
- Symudodd 1 person ifanc ardal i fod yn agosach i'w deulu mewn lleoliad â chymorth.
- Cofnodwyd mewn 1 adolygiad bod y person ifanc wedi symud fel cam i lawr o Uned Breswyl Mamau a Babanod i Leoliad Maethu Mamau a Babanod ar gyfer asesiad pellach.
- Arweiniodd lleoliad negyddol gyda rhiant at 1 person ifanc yn symid i fyw gyda gofalwyr maeth.
- Yn achos 1 person ifanc arall symudwyd lleoliad o ofal maeth i aelod o'r teulu.
- Yn ystod yr adolygiad ar gyfer teulu gyda 2 o blant, cofnodwyd eu bod wedi symud o leoliad o fewn eu teulu i ofal maeth.
- Arweiniodd dadansoddiad o leoliad preswyl at 1 person ifanc arall yn symud i ofal maeth.

18. Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion plant sy'n derbyn gofal.

Targed a bennwyd 100% – Yr hyn a gyflawnwyd 95.2%

- Cofnodwyd bod 79 (95.2%) o gynlluniau lleoli/gofal a chymorth yn bodloni anghenion y plant/pobl ifanc o'i gymharu â 98.4% yn y chwarter blaenorol.
- Cofnododd 4 (4.8%) adolygiad nad oedd y lleoliad/gofal a chymorth yn bodloni anghenion y plentyn/person ifanc. Y rhesymau a gofnodwyd oedd: -
 - roedd ymddygiad y plentyn/person ifanc wedi gwaethygu wrth i'r lleoliad tymor byr fynd rhagddo.
 - lleoliad dros dro yn unig yw hwn.
 - yn achos 1 teulu gyda 2 o blant roedd pryder oherwydd bod y rhieni wedi gwahanu.

19. Nifer a chanran y pryderon diogelu a nodwyd mewn perthynas â phlant sy'n derbyn gofal yn ystod y chwarter hwn.

- Mewn 6 (7.2%) adolygiad o blant sy'n derbyn gofal nodwyd pryderon diogelu ar gyfer y person ifanc; cadarnhawyd bod y pryderon yn cael sylw.


20. Nifer y plant sy'n derbyn gofal a enwir ar y Gofrestr Amddiffyn plant.

- Nodwyd mewn 6 (7.2%) adolygiad bod y person ifanc wedi'i enwi ar y Gofrestr Amddiffyn plant.

21. Nifer a chanran y plant sy'n derbyn gofal a gafodd Asesiadau Iechyd yn unol â'r gofynion statudol.

Targed a bennwyd 100% – Yr hyn a gyflawnwyd 97.6%

- Roedd 81 (97.6%) o'r plant/pobl ifanc sy'n derbyn gofal wedi cael asesiad iechyd cyfredol adeg eu hadolygiad o'i gymharu â 90.2% yn y chwarter blaenorol.
- Nid oedd gan 2 (2.4%) o'r plant/pobl ifanc sy'n derbyn gofal asesiad iechyd cyfredol adeg eu hadolygiad, fodd bynnag cadarnhawyd bod y rhain yn eu lle bellach.



22. Canran y plant a oedd wedi cofrestru gyda deintydd o fewn 20 diwrnod gwaith ar ôl dechrau derbyn gofal

Targed a bennwyd: 100% Yr hyn a gyflawnwyd 88.9%

Wedi cofrestru gyda deintydd

Mae'r data ar gyfer cofrestru plant/pobl ifanc gyda deintydd o fewn 20 diwrnod gwaith ar ôl dechrau derbyn gofal yn gysylltiedig â 9 phlentyn/person ifanc.

- Mewn 8 (88.9%) adolygiad cofnodwyd bod y plant/pobl ifanc wedi cofrestru gyda deintydd o fewn 20 diwrnod gwaith ar ôl dechrau derbyn gofal.
- Mewn 1 (11.1%) adolygiad o blant sy'n derbyn gofal nodwyd bod y plentyn/person ifanc heb gael ei gofrestru eto gyda deintydd.

Wedi cofrestru gyda deintydd

Mae'r data ar gyfer y dangosydd perfformiad hwn yn gysylltiedig â 77 o blant/pobl ifanc oherwydd diystyriwyd 6 phlentyn/person ifanc a oedd yn cael eu hadolygiad plant sy'n derbyn gofal cyntaf o'r ffigurau uchod er mwyn bodloni gofynion y Mesur Cenedlaethol.

- Roedd 75 (97.4%) o blant a phobl ifanc wedi cofrestru gyda deintydd. Mae hyn yn cymharu ag 86.0% yn y chwarter blaenorol.
- Roedd angen cofrestru 2 (2.6%) o blant a phobl ifanc gyda deintydd; nodwyd bod 1 person ifanc wedi cael ei gofrestru wedi hynny ond ei fod yn gam gweithredu o'r adolygiad ar gyfer y person ifanc arall.

23. Mesur Cenedlaethol 30: Nifer a chanran y plant sy'n derbyn gofal oedd wedi cael eu gweld gan ddeintydd o fewn 3 mis ar ôl dechrau derbyn gofal.

Wedi cael ei weld gan ddeintydd

Mae'r data ar gyfer cael ei weld gan ddeintydd o fewn 3 mis ar ôl dechrau derbyn gofal ofal yn gysylltiedig ag 8 plentyn.


- Cofnodwyd mewn 4 adolygiad (50.0%) bod y plentyn/person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.
- Cofnodwyd mewn 40 adolygiad (50.0%) nad oedd y plentyn/person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.

Wedi cael ei weld gan ddeintydd

Targed a bennwyd 90% – Yr hyn a gyflawnwyd 69.9%

Mae'r data ar gyfer y dangosydd perfformiad hwn yn gysylltiedig â 73 o blant/bobl ifanc gan fod 10 o blant/bobl ifanc yn iau na 2 oed a/neu'n cael eu hadolygiad o blant sy'n derbyn gofal cyntaf, ac felly fe'u diystyriwyd o'r ffigurau uchod er mwyn bodloni gofynion y Mesur Cenedlaethol.

- Cofnodwyd bod 51 (69.9%) o blant a phobl ifanc wedi gweld deintydd yn y 12 mis blaenorol o'i gymharu â 78.6% yn y chwarter blaenorol.
- Cofnodwyd nad oedd 22 (30.1%) o blant a phobl ifanc wedi gweld deintydd.



24. Mesur Cenedlaethol 31: Canran y plant sy'n derbyn gofal a oedd wedi cofrestru gyda Meddyg Teulu o fewn 10 niwrnod gwaith ar ôl dechrau yn y lleoliad.

- Mewn 15 (88.2%) adolygiad cofnodwyd bod y plentyn wedi cofrestru gyda darparwr gwasanaethau meddygol cyffredinol o fewn 10 niwrnod gwaith ar ôl dechrau derbyn gofal.
- Adroddodd 2 (11.8%) adolygiad fod y cam gweithredu hwn yn parhau heb ei gwblhau; roedd yn argymhelliad o'r adolygiad ac mae'r ddau wedi'u cofrestru erbyn hyn.

25. Nifer a chanran y plant sy'n derbyn gofal a oedd wedi cofrestru gyda meddyg teulu.

Targed a bennwyd 100% – Yr hyn a gyflawnwyd 98.8%

- Roedd 82 (98.8%) o blant a phobl ifanc wedi cofrestru gyda meddyg teulu o'i gymharu â 98.4% yn y chwarter blaenorol.
- Mewn 1 (1.2%) adolygiad nodwyd bod angen cofrestru'r plentyn/person ifanc gyda meddyg teulu.
- Roedd 73 (90.1%) o blant wedi cael eu holl frechiadau angenrheidiol.
- Roedd 8 (9.9%) o blant yn hwyr yn cael eu brechiadau. Mae 3 o'r bobl ifanc hyn yn Blant ar eu Pen eu Hunain sy'n Ceisio Lloches a chynigir rhaglen garlam iddynt gan fod hanes blaenorol anghyflawn o frechu ganddynt; adolygwyd 1 person ifanc arall ddwywaith yn y chwarter ac roedd yn gwrthod ymgysylltu; fodd bynnag, bydd brechiadau yn parhau i gael eu cynnig.

Cafodd 2 adolygiad eu diystyru o'r ffigurau oherwydd roedd y rhiant yn gwrthod caniatáu i'r plentyn gael ei frechu.

26. Nifer a chanran y plant sy'n derbyn gofal yr aseswyd eu bod angen cymorth gan Wasanaethau Iechyd Meddwl Plant a'r Glasoed (CAMHS) a gafodd eu hatgyfeirio ac a dderbyniodd asesiad/gwasanaeth.

Targed: 50%


Perfformiad Gwirioneddol

- Mewn 6 (7.2%) adolygiad o blant sy'n derbyn gofal cofnodwyd bod y plentyn/person ifanc wedi'i atgyfeirio i CAMHS, a chadarnhawyd mewn 3 adolygiad fod yr atgyfeiriad wedi cael ei dderbyn ar gyfer y plentyn/person ifanc.
- Mewn 75 (96.2%) o adolygiadau o blant sy'n derbyn gofal cofnodwyd bod iechyd meddwl/emosiynol y plant/pobl ifanc wedi'i ystyried yn yr Asesiad Iechyd a/neu wrth drafod yn y cyfarfod.
- Mewn 3 (3.8%) adolygiad cofnodwyd nad oedd y problemau iechyd meddwl wedi cael eu hystyried.
- Cofnododd 5 adolygiad fod y plentyn/person ifanc yn rhy ifanc, felly tynnwyd y rhain o'r ffigurau.

27. Natur y ddarpariaeth addysg:

Yn ystod y chwarter hwn roedd y plant a'r bobl ifanc a adolygwyd yn y ddarpariaeth addysg ganlynol:

Darpariaeth Addysg	
Plant cyn-ysgol	13
Disgyblion ysgol gynradd	37
Disgyblion ysgol uwchradd	23
Uned Cyfeirio Disgyblion (PRU)	2
Prosiectau eraill – Lleoliad Gwaith Arbenigol	1
Coleg	1
Heb fod mewn addysg, gwaith na hyfforddiant (NEET)	5
Addysg heblaw yn yr ysgol	
Colli addysg	1
Preswyl	
Wedi gadael yr ysgol	
Tiwtora	
Addysg Ddewisol yn y Cartref	
Cyflogedig	
Cyfanswm	83



28. Nifer a chanran y plant sy'n derbyn gofal oedran ysgol oedd â Chynllun Addysg Personol o fewn 20 diwrnod ysgol ar ôl dechrau derbyn gofal neu ar ôl dechrau mewn ysgol newydd.

Targed a bennwyd 70% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn gysylltiedig â 59 o blant/pobl ifanc oedran statudol i ddechrau'r ysgol ac felly'n gymwys i gael Cynllun Addysg Personol.

- Roedd gan 59 (100.0%) o blant a phobl ifanc oedran statudol i ddechrau ysgol Gynllun Addysg Personol cyfredol.
 - Mewn 8 (100.0%) adolygiad cofnodwyd bod y Cynllun Addysg Personol wedi'i gwblhau o fewn 20 diwrnod ysgol o fod yn blentyn sy'n derbyn gofal neu 20 diwrnod gwaith ar ôl newid ysgol yn unol â'r gofynion.
 - Mewn 51 (100.0%) adolygiad cofnodwyd bod gan y person ifanc Gynllun Addysg Personol cyfredol.

- Roedd gan 13 (21.0%) o blant a phobl ifanc a oedd yn mynd i'r ysgol/coleg anghenion dysgu ychwanegol cydnabyddedig.

- Mewn 24 (39.3%) adolygiad daethpwyd i'r casgliad bod y plant/pobl ifanc a oedd yn mynd i'r ysgol/coleg yn tangyflawni o ran eu haddysg. Ym mhob un o'r 24 (100.0%) adolygiad cofnodwyd bod y bobl ifanc yn cael cymorth.

- Mewn 7 (87.5%) adolygiad nodwyd bod y ddarpariaeth addysg wedi'i sefydlu ar ddechrau'r lleoliad.
- Mewn 1 (12.5%) adolygiad cofnodwyd nad oedd y ddarpariaeth addysg wedi'i sefydlu ar ddechrau'r lleoliad oherwydd problemau cludiant.

- Nododd 0 (0.0%) adolygiad y bu cyfnod pan oedd y plentyn/person ifanc heb fod mewn addysg am gyfnod tra ei fod aros am le mewn ysgol

29. Mesur Cenedlaethol 32: Canran y plant sy'n derbyn gofal sydd wedi symud i ysgol arall, ac eithrio trefniadau pontio

Targed a bennwyd 0% – Yr hyn a gyflawnwyd 1.7%

- Mewn 1 (1.7%) adolygiad cofnodwyd bod y plentyn/person ifanc wedi symud i ysgol arall ac nad oedd yn symud yn dilyn pontio o'i gymharu â 10.8% yn y chwarter blaenorol.

30. Nifer a chanran y plant sy'n derbyn gofal a gafodd eu gwahardd o'r ysgol

Targed a bennwyd 12% gwaharddiad dros dro – Yr hyn a gyflawnwyd 1.7%

Targed a bennwyd 1% gwaharddiad parhaol – Yr hyn a gyflawnwyd 0.0%

- Mewn 1 adolygiad (1.7%) adroddwyd bod y person ifanc wedi'i wahardd o'r ysgol dros dro yn ystod y cyfnod adolygu. Mae hyn yn cymharu â 2.7% yn y chwarter blaenorol.
- Ni adroddwyd mewn unrhyw adolygiad (0.0%) bod y person ifanc wedi'i wahardd yn barhaol o'r ysgol, sy'n gyson â'r chwarter blaenorol.

Dyma'r gwaharddiadau yn ystod y chwarter hwn:-

8 sesiwn – 4 diwrnod

ADRAN TRI

YMGYNGHORI A CHYFRANOGI

- 1. Dangosydd Perfformiad Lleol: Nifer a chanran y plant sy'n derbyn gofal a oedd yn ddigon hen ac yn meddu ar ddigon o grebwyll fel bod Gweithiwr Cymdeithasol wedi gallu ymgynghori â hwy neu roeddent yn bresennol yn eu cyfarfod adolygu**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 62 adolygiad oherwydd cofnodwyd mewn 21 adolygiad nad oedd y plant/pobl ifanc yn ddigon hen nac yn meddu ar ddigon o grebwyll i fod yn rhan o'r broses ymgynghori, er bod 5 o'r rhain wedi bod yn bresennol yn eu hadolygiad.

- Cofnodwyd mewn 62 (100.0%) adolygiad fod ymgynghori wedi digwydd.

Dadansoddiad o'r ymgynghori

Roedd 25 plentyn/person ifanc yn bresennol yn eu cyfarfod adolygu ar Teams.

Roedd 37 plentyn/person ifanc wedi cwblhau papurau ymgynghori a/neu roedd gweithwyr proffesiynol, rhieni, gofawyr neu eiriolwyr wedi'u cynrychioli yno.

- Roedd gan y Swyddog Adolygu Annibynnol gysylltiad uniongyrchol â 2 blentyn/person ifanc yn ystod y cyfnod adolygu y tu allan i'r cyfarfod adolygu.

- 2. Dangosydd Perfformiad Lleol: Nifer a chanran y plant a oedd yn gwybod am eu hawl i gael Gwasanaeth Eirioli/Cynllun Ymwelydd Annibynnol**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 67 adolygiad oherwydd cofnodwyd mewn 16 adolygiad nad oedd y plant/pobl ifanc a adolygwyd yn ddigon hen nac yn meddu ar ddigon o grebwyll i gael gwybod am eu hawl i gael Eiriolwr/Cynllun Ymwelydd Annibynnol, ac felly fe'u diystyriwyd o'r ffigurau.

- Hysbyswyd 67 (100.0%) o blant/pobl ifanc am eu hawl i gael Eiriolwr/Cynllun Ymwelydd Annibynnol a gwnaethpwyd atgyfeiriad.

3 **Dangosydd Perfformiad Lleol: Nifer a chanran y plant a gafodd wybod am y drefn gwyno**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 52 adolygiad oherwydd cofnodwyd mewn 31 adolygiad nad oedd y plentyn/person ifanc yn ddigon hen nac yn meddu ar ddigon o grebwyll, felly fe'u diystyriwyd o'r ffigurau.

- Roedd 52 (100.0%) o blant/pobl ifanc yn gwybod am y drefn gwyno sy'n debyg i'r chwarter blaenorol.

4 **Dangosydd Perfformiad Lleol: Nifer a chanran y rhieni y bu i'r Gweithiwr Cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu**

Targed a bennwyd 80% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 77 adolygiad oherwydd cofnodwyd mewn 6 adolygiad nad oedd y rhieni yn rhan o'r broses adolygu statudol, ac felly fe'u diystyriwyd o'r ffigurau.

- Cwblhaodd 77 (100.0%) o rieni bapurau ymgynghori neu roeddent wedi cwrdd neu siarad â'r Swyddog Adolygu Annibynnol cyn a/neu ar ôl y cyfarfod adolygu, a/neu roeddent wedi bod yn bresennol yn y cyfarfod adolygu eu hunain, a/neu roedd gweithwyr proffesiynol wedi'u cynrychioli yno.

Dadansoddiad o'r ymgynghori

Cafodd papurau ymgynghori eu hanfon ar gyfer pob un o'r 77 adolygiad.

Mewn 50 adolygiad cadarnhawyd bod y rhieni'n bresennol; neu wedi siarad â'r Swyddog Adolygu Annibynnol dros y ffôn cyn a/neu ar ôl yr adolygiad.

5 **Dangosydd Perfformiad Lleol: Nifer a chanran y gofalwyr maeth y bu i'r Gweithiwr Cymdeithasol ymgynghori â hwy neu a fu'n bresennol yng nghyfarfod adolygu'r plentyn**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 66 adolygiad oherwydd cofnodwyd mewn 17 adolygiad bod y plentyn wedi'i leoli â rhiant neu roedd yn byw'n annibynnol, felly diystyriwyd yr adolygiadau hyn yn y ffigurau.

- Cwblhaodd 66 (100.0%) o ofalwyr maeth bapurau ymgynghori a/neu buont yn bresennol yn yr adolygiadau yn ystod y cyfnod hwn.

6 Dangosydd Perfformiad Lleol: Nifer a chanran y Cynrychiolwyr Iechyd a fu'n bresennol mewn adolygiad neu a anfonodd adroddiad.

Targed a bennwyd 100% – Yr hyn a gyflawnwyd 89.2%

- Mewn 74 (89.2%) adolygiad cadarnhawyd bod gwybodaeth am iechyd ar gael ar gyfer y cyfarfod.
- Mewn 9 (10.8%) adolygiad adroddwyd nad oedd gwybodaeth am iechyd ar gael ar gyfer y cyfarfod.

Sylwadau: Pan fydd y person ifanc yn cael ei leoli y tu allan i'r ardal mae angen anfon y gwahoddiad iechyd at y tîm iechyd lletyol ac rydym yn parhau i geisio gwella'r wybodaeth a dderbynnir.

7 Dangosydd Perfformiad Lleol: Nifer a chanran y cynrychiolwyr ysgol a fu'n bresennol mewn adolygiad neu a anfonodd adroddiad.

Targed a bennwyd 100% – Yr hyn a gyflawnwyd 98.4%

- Mewn 61 (98.4%) adolygiad o blant sy'n derbyn gofal roedd rhywun o'r ysgol yn bresennol neu wedi darparu adroddiad ysgrifenedig, o'i gymharu â 97.6% yn y chwarter blaenorol.

8 Dangosydd Perfformiad Lleol: Nifer a chanran y dogfennau adolygiad o blant sy'n derbyn gofal a gwblhaodd y Gweithiwr Cymdeithasol cyn yr adolygiad.

Targed a bennwyd 100% – Yr hyn a gyflawnwyd 77.1%

- Mewn 64 (77.1%) adolygiad o blant sy'n derbyn gofal cadarnhawyd bod y gweithiwr cymdeithasol wedi cwblhau'r ddogfen adolygu cyn y cyfarfod adolygu o'i gymharu ag 83.6% yn y chwarter blaenorol.
- Mewn 19 (22.9%) adolygiad o blant sy'n derbyn gofal cadarnhawyd nad oedd y ddogfen adolygu wedi'i chwblhau gan y gweithiwr cymdeithasol cyn yr adolygiad.

Sylwadau: Mae'r capasiti staffio wedi cael effaith ar ddogfennau'n cael eu cwblhau gan weithwyr cymdeithasol cyn adolygiadau yn y chwarter hwn.

**ADRAN PEDWAR:
PROTOCOL DATRYS PROBLEMAU**

Ni weithredodd y Swyddog Adolygu Annibynnol y Protocol Datrys Problemau ar gyfer unrhyw blentyn yn ystod y cyfnod hwn.

Er y nodwyd nad oedd adolygiadau canol cyfnod yn cael eu cynnal, lle bo angen, roedd y Swyddog Adolygu Annibynnol yn dwyn adolygiadau ymlaen pan oedd pryderon.

ADRAN PUMP

GWERTHUSO

Nid oedd y wybodaeth hon ar gael ar gyfer y chwarter hwn.

ADRAN CHWECH

CYNLLUNIAU LLWYBR

Ar gyfer pobl ifanc dros 16 oed nad ydynt yn blant sy'n derbyn gofal/pobl ifanc dros 18 oed sydd wedi gadael gofal

Cynhaliwyd 13 Adolygiad o Gynlluniau Llwybr yn ystod y chwarter hwn.

- 1 **Dangosydd Perfformiad: Canran yr Adolygiadau o Gynlluniau Llwybr a gynhaliwyd o fewn y terfynau amser**
 - Cynhaliwyd 10 (76.9%) Adolygiad o Gynlluniau Llwybrau o fewn y terfynau amser o'i gymharu ag 84.4% yn y chwarter blaenorol.
 - Cynhaliwyd 3 (23.1%) Adolygiad o Gynlluniau Llwybr y tu allan i'r terfynau amser. Roedd y rhesymau a gofnodwyd fel a ganlyn: -
 - Ar gyfer 1 person ifanc roedd er mwyn iddo gael ei gynnal yr un pryd â'r cyfarfodydd eraill oedd yn cael eu cynnal.
 - Cafodd 2 adolygiad pellach eu hoedi er mwyn i weithwyr proffesiynol eraill fod yn bresennol.

- 2 **Dangosydd Perfformiad: Canran y bobl ifanc ag Ymgynghorydd Personol/Gweithiwr Cymdeithasol dynodedig.**
 - Ym mhob un o'r 13 (100%) adolygiad nodwyd bod gan yr holl bobl ifanc Ymgynghorydd Personol a/neu Weithiwr Cymdeithasol dynodedig.

- 3 **Dangosydd Perfformiad: Canran y Cofnodion o'r Adolygiad o Gynlluniau Llwybr a oedd wedi'u cwblhau erbyn y cyfarfod**
 - Roedd y Cofnod Adolygu wedi'i gwblhau ar gyfer 11 (84.6%) Adolygiad o Gynlluniau Llwybr o'i gymharu â 75.0% yn y chwarter blaenorol.
 - Mewn 2 (15.4%) Adolygiad adroddwyd nad oedd y Cofnod o'r Adolygiad wedi'i gwblhau adeg yr adolygiad.

- 4 **Dangosydd Perfformiad: Canran y bobl ifanc yr ymgynghorwyd â hwy ar gyfer y cyfarfod adolygu**
 - Cadarnhaodd bob un o'r 13 (100.0%) adolygiad fod barn y plentyn/person ifanc wedi cael ei chynrychioli yn yr adolygiad a/neu ei fod wedi yn bresennol yn yr adolygiad.

- 5 **Dangosydd Perfformiad: Canran y bobl ifanc a oedd yn bresennol yn eu cyfarfod adolygu**

- Mewn 3 (23.1%) adolygiad cofnodwyd y bu'r person ifanc yn bresennol yn y cyfarfod adolygu.
- Mewn 10 (76.9%) adolygiad cofnodwyd na fu'r person ifanc yn bresennol yn yr adolygiad.

6 Dangosydd Perfformiad: Canran y Cynlluniau Llwybr oedd yn bodloni anghenion y person ifanc

- Mewn 10 (76.9%) adolygiad cadarnhawyd bod y Cynllun Llwybr yn bodloni anghenion y person ifanc.
- Mewn 3 (23.1%) adolygiad cofnodwyd nad oedd y Cynllun Llwybr yn bodloni anghenion y person ifanc; roedd y rhesymau a gofnodwyd fel a ganlyn:-
 - Ar gyfer 1 person ifanc roedd angen cael lleoliad newydd oherwydd roedd y lleoliad 'Pan dwi'n barod' presennol yn dod i ben oherwydd bod y gofalwyr yn ail-leoli.
 - Roedd 1 person ifanc ar goll adeg ei adolygiad.
 - Ar gyfer 1 person arall, roedd angen diweddarau'r Cynllun Llwybr.

7 Dangosydd Perfformiad: Canran y Cynlluniau Llwybr a ddiweddarwyd cyn gadael gofal/troi'n 18 oed

- Adroddodd 1 (0.0%) Adolygiad o Gynlluniau Llwybr fod y Cynllun Llwybr heb ei ddiweddarau cyn i'r person ifanc adael gofal/troi'n ddeunaw oed.

8 Gwerthuso – Nid oedd y wybodaeth hon ar gael ar gyfer y chwarter hwn.

ADRAN SAITH

GOFAL SEIBIANT BYR RHEOLAIDD

Ni chynhaliwyd adolygiad o ofal seibiant byr rheolaidd yn ystod y chwarter hwn.

ADRAN WYTH

SEIBIANNAU BYR

Ni chynhaliwyd unrhyw adolygiadau o seibiannau byr yn ystod y cyfnod dan sylw.

ADRAN NAW

ADOLYGIADAU O OFALWYR MAETH

Ni chynhaliwyd unrhyw adolygiadau o ofalwyr maeth gan y Gwasanaeth Adolygu Annibynnol yn ystod y cyfnod dan sylw.

Cyngor Sir Ceredigion

Adroddiad i'r:	Cabinet
Dyddiad:	14 Chwefror 2023
Amser:	10:00am
Teitl:	Argymhelliad y Pwyllgor Trosolwg a Chraffu Cymunedau lachach yn dilyn y cyfarfod a gynhaliwyd ar 23 Ionawr 2023 i ystyried Adroddiadau Rheoli Perfformiad y Gwasanaeth Adolygu Annibynnol ar gyfer Chwarter 1 a 2, 2022-2023

CEFNDIR:

Yng nghyfarfod y Pwyllgor Trosolwg a Chraffu Cymunedau lachach a gynhaliwyd ar 23 Ionawr 2023, ystyriwyd adroddiadau'r Gwasanaeth Adolygu Annibynnol ar gyfer chwarter 1 a 2 2022-2023 er mwyn monitro cynnydd y Plant sy'n Derbyn Gofal ar sail Gwaith craffu'r Swyddogion Adolygu Annibynnol ar eu cynlluniau a'u lleoliadau yn ystod dau chwarter cyntaf 2022/2023. Mae'r wybodaeth hon yn cynorthwyo'r Aelodau i gyflawni eu swyddogaethau fel Rhieni Corfforaethol.

Mynegodd Aelodau'r Pwyllgor eu gwerthfawrogiad i'r Swyddogion am eu gwaith caled parhaus a gofynnwyd i'r neges gael ei throsglwyddo i holl staff y gwasanaeth.

ARGYMHELLIAD:

Yn dilyn trafodaeth, argymhellodd Aelodau'r Pwyllgor y dylai'r Cabinet:

- nodi cynnwys yr adroddiad a'r lefel o weithgarwch o fewn yr Awdurdod Lleol.

Y Cynghorydd Caryl Roberts
Cadeirydd y Pwyllgor Trosolwg a Chraffu Cymunedau lachach